

**გენერატორების შეკეთების და ტექნიკური მომსახურების სახელმწიფო შესყიდვის შესახებ
სატენდერო კომისიის სხდომის
ოქმი №1**

თბილისი

13 მარტი, 2020 წელი

სხდომას თავმჯდომარეობდა:

სატენდერო კომისიის თავმჯდომარე - საჯარო რეესტრის ეროვნული სააგენტოს შესყიდვების სამსახურის უფროსი - ვახტანგ შავგულიძე.

სხდომის მუშაობაში მონაწილეობდნენ:

სატენდერო კომისიის თავმჯდომარის მოადგილე - ხათუნა გოგობია.

სატენდერო კომისიის წევრები: ნონა წიკლაური, გია აბულაძე.

სატენდერო კომისიის აპარატის წევრი: თენგიზ ჯუღელი (სხდომის მდივანი).

დღის წესრიგი:

ელექტრონული ტენდერის საშუალებით, პრეისკურანტის საფუძველზე, გენერატორების შეკეთების და ტექნიკური მომსახურების სახელმწიფო შესყიდვის შესახებ სატენდერო დოკუმენტაციის განხილვა, დამტკიცება და შესყიდვის სავარაუდო ღირებულების განსაზღვრა.

მოისმინეს კომისიის წევრის, ვახტანგ შავგულიძის გამოსვლა:

სსიპ „საჯარო რეესტრის ეროვნული სააგენტოს“ შესყიდვების სამსახურში წარმოდგენილია 2020 წლის 15 იანვრის მდგომარეობით სამეურნეო სამსახურის უფროსის მოვალეობის შემსრულებლის - ალექო ზოგვერადის 2020 წლის 15 იანვრის #13701/17 მოხსენებითი ბარათი, რომლის თანახმად სააგენტო საჭიროებს გენერატორების შეკეთების და ტექნიკური მომსახურების შესყიდვას.

ზემოაღნიშნულიდან გამომდინარე, შესყიდვების სამსახურმა მოამზადა და სატენდერო კომისიის წევრებს გადასცა სატენდერო დოკუმენტაციის პროექტი, რომელიც არის გაერთიანებული CPV-50532300 კლასიფიკატორის კოდში.

ამასთან, სატენდერო კომისიის წევრებს შესყიდვის სავარაუდო ღირებულების განსაზღვრის მიზნით, გადაეცათ ბაზრის კვლევის შედეგები.

განხილეს:

სატენდერო კომისიის წევრებმა აღნიშნეს, რომ გენერატორების შეკეთების და ტექნიკური მომსახურების სახელმწიფო შესყიდვასთან დაკავშირებით წარმოდგენილი სატენდერო დოკუმენტაცია მისაღებია.


ბაზრის კვლევის შედეგების გათვალისწინებით მიზანშეწონილად იქნა მიჩნეული, შესყიდვის პრეისკურანტის სავარაუდო ღირებულებად განისაზღვროს 273970.71 ლარი, ხოლო შესყიდვის სახელშეკრულებო ღირებულებად - 25000.00 ლარი.

კომისიამ დაადგინა:

1. „სახელმწიფო შესყიდვების შესახებ“ საქართველოს კანონის მე-12¹ მუხლის მე-4 პუნქტისა და „ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების მე-15 მუხლის მე-2 პუნქტის შესაბამისად, სატენდერო კომისიამ დაამტკიცა წარმოდგენილი სატენდერო პირობების პროექტი.
2. შესყიდვის ობიექტის პრეისკურანტის სავარაუდო ღირებულებად განისაზღვროს 273970.71 ლარი, ხოლო შესყიდვის ობიექტის სახელშეკრულებო ღირებულებად - 25 000.00 ლარი.
3. შესყიდვის ობიექტის ერთგვაროვნება განისაზღვროს შემდეგი კლასიფიკატორის შესაბამისად: CPV50532300 - გენერატორების შეკეთება და ტექნიკური მომსახურება.
4. „სახელმწიფო შესყიდვების შესახებ“ საქართველოს კანონის მე-12¹ მუხლის მე-2 პუნქტის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების მე-16 მუხლის შესაბამისად, განთავსდეს სატენდერო განცხადება და სატენდერო დოკუმენტაცია ქართულ ენაზე სახელმწიფო შესყიდვების ერთიან ელექტრონულ სისტემაში.
5. საჯარო რეესტრის ეროვნული სააგენტოს შესყიდვების სამსახურმა უზრუნველყოს გენერატორების შეკეთების და ტექნიკური მომსახურების შესყიდვაზე ელექტრონული ტენდერის, პრეისკურანტით, გამოცხადება არაუგვიანეს 2020 წლის 13 მარტისა.

სატენდერო კომისიის წევრები:

სატენდერო კომისიის თავმჯდომარე – ვ. შავგულიძე



სატენდერო კომისიის თავმჯდომარის მოადგილე – ხ. გოგოხია

ხ. გოგოხია

სატენდერო კომისიის წევრი – ნ. წიკლაური



სატენდერო კომისიის წევრი – გ. აბულაძე



სატენდერო კომისიის აპარატის წევრები:

თენგიზ ჯუღელი (სხდომის მდივანი)

